

COV NCAUJ LUS TXOG MEDICAID/BADGERCARE PLUS KEV SIB HAIS NCAJ NCEES (MEDICAID/BADGERCARE PLUS FAIR HEARING INFORMATION)

Txhua lub sij hawm uas koj cov txiaj ntsim kev pab raug tsis kam muab, txo tsawg los sis txiav tu, thiab koj xav tia slub cheeb koog los sis pawg neeg qhab lub chaw khiav dej num tau ua yuam kev lawm, hu cuag lub koom haum hauv zos. Yog lub koom haum hauv zos tsis pom zoo, koj thov tau tus neeg ua hauj lwm rau hauv lub koom haum hauv zos pab koj thov kom tau lub rooj sib tham ua ntej rooj sib hais thiab lub rooj sib hais ncaj ncees.

Roof Sib Tham Ua Ntej Roof Sib Hais

Tej zaum koj yuav muaj kev hais sib haum nrog lub koom haum hauv zos thaum lub rooj sib tham ua ntej rooj sib hais uas tsis tag yuav tos kom muaj lub rooj sib hais ncaj ncees. Nyob rau hauv lub rooj sib tham koj yuav tau qhia koj zaj dab neeg thiab lub koom haum hauv zos yuav piav qhia tias vim li cas nws thiaj txiav txim li ntawd. Yog lub koom haum hauv zos pom tias nws yog ib yam ua yuam kev, nws yuav hloov nws txoj kev txiav txim thiab yuav raus tes muab kho kom yog. Yog lub koom haum hauv zos pom tias nws thawj txoj kev txiav txim yeej yog lawm, thiab koj tseem xav tias lub koom haum hauv zos yeej tsis yog qees, koj muaj txoj cai ua raws cov txheej txheem kev sib hais ncaj ncees.

Thov Faj Seeb: Txoj kev uas koj pom zoo muaj lub rooj sib tham ua ntej rooj sib hais yuav tsis muaj feem xyuam rau koj txoj kev xav tau lub rooj sib hais ncaj ncees. Koj yeej thov tau lub rooj sib hais ncaj ncees thiab yog koj txaus siab nrog txoj kev txiav txim hauv lub rooj sib tham ua ntej rooj sib hais, thaum ntawd koj mam li muab lub rooj sib hais ncaj ncees tso tseg tsis muaj tau.

Roof Sib Hais Ncaj Ncees

Kev taug xyuas kev ncaj ncees ua rau koj muaj caij nyoog qhia tias yog vim li cas koj thiaj xav tias qhov txiav txim siab txog koj daim ntawv thov los sis cov txiaj ntsim kev pab thiaj tsis yog. Nyob rau hauv lub rooj sib hais, tus kws taug xyuas kev ncaj ncees yuav mloog koj thiab lub koom haum hauv zos hais kom paub seb txoj kev txiav ntawd yog los sis tsis yog. Koj yeej coj tau ib tug phooj ywg los sis ib tug neeg hauv tsev nrog koj mus koom lub rooj sib hais. Koj puav leej kev pab txog kev cai lij choj dawb. (Xyuas Pab Txog Kev Cai Lij Choj.)

Thaum Siv Cov Txheej Txheem Kev Sib Hais Ncaj Ncees

Yog koj ntseeg tias koj lub koom haum hauv zos tau txiav txim tsis yog txog koj rooj plaub lawm, yuav siv tau qhov txheej txheem kev sib hais ncaj ncees los tshab xyuas txog txoj kev txiav txim. Cov qauv ua piv txwv muaj xws li:

- Koj tsab ntawv thov raug tsis kam pab los sis koj cov txiaj ntsim kev pab raug ncuu mus ib ntus, txo tsawg los sis xaus lawm thiab koj xav tias lub koom haum hauv zos tau ua yuam kev lawm.
- Koj ntseeg tias koj tsab ntawv thov BadgerCare Plus raug tsis kam muab kev pab yam tsis yog lawm.
- Tsis muab koj tsab ntawv thov los lis ua ntej 30 hnub.
- Tsis kam muab kev tso cai ua ntej.

Ua tib zoo nyeem ib tsab ntawv faj seeb los sis ntawv txiav txim zus kom pab koj nkag siab txog txoj kev txiav txim. Yog qhov laj thawj rau txoj kev hloov koj cov tsiaj ntsim kev pab yog tim tsoom fwv teb chaws los sis lub xeev txoj cai hloov, Division of Hearings and Appeals (Fab Tswj Xyuas Cov Roof Sib Hais thiab Kev Txiaiv Txim Dua) tsis tag yuav pom zoo rau lub rooj sib hais ncaj ncees uas thov txog.

Kev Thov Lub Roof Sib Hais Ncaj Ncees

Thov kom koj lub koom haum hauv zos pab koj ua tsab ntawv thov lub rooj sib hais los sis sau ntawv ncaj qha mus rau:

Department of Administration
Division of Hearings and Appeals
PO Box 7875
Madison WI 53707-7875

Los sis hu rau 608-266-7709.

Yog koj muaj xaim iv taws nej, muaj tsab ntawv Thov Lub Roof Sib Hais Ncaj Ncees nyob rau ntawm www.dhs.wisconsin.gov/forwardhealth/resources.htm. Yog koj xaiv sau ib daim ntawv uas tsis teb rau tsab ntawv no, koj yuav tsum sau txogcov nram no:

- Koj lub npe
- Koj qhov chaw xa ntawv
- Daim ntawv piav qhia txog lub ntsiab lus ntawm qhov teeb meem.

- Lub koom haum hauv zos lub npe uas tau txiav txim los sis tsis kam muab txoj kev pab
- Koj tus zauv Social Security
- Kev lub npe kos

Koj daim ntawv thov yuav tsum teev muaj cov ncauj lus tseem ceeb txog qhov xwm txheej thiab tus zauv cim koj tus kheej ntawm BadgerCare Plus. Yuav tsum thov kev txiav txim dua ua ntej 45 hnuv tom qab hnuv txiav txim. Tsab ntawv faj seeb tshiab tshaj uas qhia koj txog kev txiav txim yuav teev muaj hnuv uas koj yuav tsum thov lub rooj sib hais.

Yog koj yuav tsum tau muaj tej yam kev pab rau txoj kev tsis taus los sis cov kev pab txhais lus, thov hu rau 608-266-7709. Tus xov tooj no tsuas yog rau cov txheej txheem kev sib hais xwb.

Koj thiab tus neeg koj xaiv sawv cev rau koj (yog tias muaj), thiab lub koom haum hauv zos yuav tau txais tsab ntawv faj seeb txog lub sij hawm, hnuv, thiab qhov chaw rau lub rooj sib hais tsawg kawg li 10 hnuv ua ntej lub rooj sib hais. Yuav muaj lub rooj sib hais nyob rau hauv lub cheeb koog uas koj nyob rau.

Kev Npaj rau lub Rooj Sib Hais Ncaj Ncees

Koj muaj txoj cai koj cov neeg tim khawv, koj tus kws lij choj los sis lwm cov neeg pab tswv yim tuaj rau hauv lub rooj sib hais ncaj ncees. Lub koom haum hauv zos them tsis tau nyiaj rau ib tug kws lij choj kom sawv cev tam koj, tiam sis lawv muaj kev pab koj nrhiav kev pab tswv yim txog kev cai lij choj pub dawb kom teb tau tej lus nug uas koj muaj los sis kom sawv cev tam tau koj hauv lub rooj sib hais ncaj ncees. (Xyuas Pab Txog Kev Cai Lij Choj kom paub ntxiv.)

Koj muaj txoj cai, ua ntej thiab thaum lub caij muaj lub rooj sib hais, saib tau lub koom haum hauv zos cov ntaub ntawv txog rooj plaub, nrog rau cov ntaub ntawv txog koj, uas lub koom haum hauv zos siv los txiav txim.

Koj los sis tus neeg sawv cev rau koj muaj txoj cai nug txhua tus uas yuav teev lus tawm tsam koj nyob rau hauv lub rooj sib hais ncaj ncees. Koj puav leej muaj txoj cai teev koj cov lus thiab cov ntaub ntawv sau uas qhia qhov laj thawj vim li cas koj thiaj xav tias koj yog.

Yog lub rooj sib hais ncaj ncees hais txog qhov muaj tseeb los sis tsis muaj tseeb ntawm koj txoj kev tsis muaj peev xwm los sis tsis taus, koj muaj txoj cai nthuav cov ntaub ntawv teev kab mob kev nkeeg ua pov thawj, uas them los ntawm lub koom haum.

Yog koj hais tsis tau Lus Askiv los sis tsis txawj piav tes, koj muaj txoj cai tau ib tug neeg txhais lus hauv lub rooj sib hais. Division of Hearings and Appeals (Fab Tswj Xyuas Cov Rooj Sib Hais thiab Kev Txiaj Txim Dua) yuav them rau cov nqi neeg txhais ntawv los sis txhais lus yog tias koj nug txog.

Koj Yeej Tau Cov Txiaj Ntsim Kev Pab Txuas Mus

Yog koj thov lub rooj sib hais ncaj ncees ua ntej hnuv uas lub koom haum hauv zos txiav txim yuav pib ua raws li kev txiav txim, koj yeej thov tau kom tsis txhob muab koj cov txiaj ntsim kev pab txoj tsawg los sis xaus kom txog tom qab paub tias lub rooj sib hais ncaj ncees txiav txim tau li cas. Yog lub rooj sib hais ncaj ncees txiav txim tsis zoo rau koj, koj yuav raug them rov qab tej txiaj ntsim kev pab uas koj yuav tsum tsis tsim nyog tau txais. Koj yeej tseem yuav tsum tau ceeb toom qhia tej kev hloov thaum tseem tos koj lub rooj sib hais uas tej zaum yuav cuam tshuam rau qib txiaj ntsim kev pab uas koj tau. Koj yuav tsum lis tiav tej kev tshab xyuas, txawm yog koj thov lub rooj sib hais ncaj ncees.

Lub Rooj Sib Hais Ncaj Ncees Cov Kev Muaj Feem Xyuam

Yog koj rooj sib hais ncaj ncees txiav txim zoo rau koj:

- Lub koom haum hauv zos yuav tsis muaj dab tsi tawm tsam koj.
- Yuav rov muab cov txiaj ntsim kev pab yog tias lawv raug txiav tu lawm.
- Yuav teev hnuv rov muab cov txiaj ntsim kev pab nyob rau hauv tsab ntawv faj seeb txog kev txiav txim, uas yog yuam lub koom haum hauv zos rov muab koj cov txiaj ntsim kev pab dua.

Yog lub rooj sib hais ncaj ncees txiav txim tsis zoo rau koj, yuav ua raws lub koom haum hauv zos txoj kev txiav txim, thiab koj yuav raug them rov qab tej txiaj ntsim kev pab uas koj tsis tsim nyog tau.

Cov Kev Rov Sib Hais Dua

Tom qab koj tau lub rooj sib hais ncaj ncees txoj kev txiav txim tag, koj muaj txoj cai thov kev rov sib hais dua yog tias:

- Koj muaj cov pov thawj tshiab uas koj tsis muaj peev xwm muab tau ua ntej lub rooj sib hais, txawm yog koj yeej sim muab, uas tej zaum yuav hloov tau txoj kev txiav txim.

- Koj xav tias cov ncauj lus tseeb siv rau txoj kev txiav txim muaj yuam kev lawm.
- Koj xav tias muaj ua yuam kev raws kev cai lij choj hauv txoj kev txiav txim lawm.

Division of Hearings and Appeals (Fab Tswj Xyuas Cov Rooj Sib Hais thiab Kev Txiaiv Txim Dua) yuav tsum sau ntawv thov kev rov sib hais dua ua ntej 20 hnuv li hnuv teev hauv tsab ntawv txiav txim. Xeev lub koom haum mloog rooj sib hais yuav txiav txim ua ntej 30 hnuv yog tias tsim nyog muaj kev rov sib hais dua. Yog tias lub chaw khiav dej num tsis sau ntawv teb rau tsab ntawv thov ua ntej 30 hnuv, xam tau tias yog tsis kam ua raws li koj thov lawm.

Kev Thov Lub Rooj Txiaiv Txim Ncaj Ncees Dua los sis Kev Txiaiv Txim Hauv Kev Rov Sib Hais Dua

Yog tias koj tsis pom zoo li lub rooj sib hais ncaj ncees los sis kev txiaiv txim hauv kev rov sib hais dua, koj yeej tseem thov mus rau lub Tsev Hais Plaub Circuit hauv koj cheeb koog kom txiav txim dua tau. Yuav tsum thov ua ntej 30 hnuv tom qab koj txais tau tsab ntawv txiav txim ntawm lub rooj sib hais ncaj ncees los sis ua ntej 30 hnuv txij li tsis kam muab kev rov sib hais dua. Yuav tsum ua ntawv thov kev txiaiv txim dua ntawm lub Tsev Hais Plaub Circuit mus rau tus Neeg Khiav Dej Num Tsev Hais Plaub hauv koj lub cheeb koog. Nws yuav zoo tshaj yog muaj kev pab txog kev cai lij choj, yog koj xav thov kev txiaiv txim dua hauv lub Tsev Hais Plaub Circuit.

Pab Txog Kev Cai Lij Choj

Yuav muaj kev pab txog kev cai lij choj nyob rau hauv Wisconsin Judicare, Inc. los sis Legal Action of Wisconsin, Inc (LAW). Kom nrhiav tau lub chaw khiav hauj lwm ze tshaj plaws rau koj, hu rau:

- Judicare ntawm 715-842-1681 los sis www.judicare.org los sis
- LAW ntawm 888-278-0633 los sis www.legalaction.org.